

Leurs habitz sont si dissoluz
 Qu'ilz monstrent prez que leurs corps miz
 Pour deceuoir les pauures filles
 Par leurs facons tresinutiles
 Et sont comme cheuaux maliers
 Leurs colz chargez de gros coliers
 De grosses chesnes et chesnettes
 De bagues dor et de baguettes
 Les doiz rempliz de gros anneaux
 Larges bonnetz et grans chapeaux
 Robes courtes iusques aux hanches
 Pleines de pliz et larges manches
 Pourpains decoupez entailles
 Hanteaux diuers et fretailles
 Robes courtes de diuers draps
 Doire qui sont a deux rebrias
 Lung derriere lautre deuant
 Les aultres qui sont pleins de vent
 Portent les chemises brodees
 A grans manches toutes bordees
 De fin lin que pourray ie escrire
 Si non de crier et de dire
 Que nous suiuons par noz messaiz
 Les mescreans et turtz infectz
 Desquelz portons les bestemens
Francia si tu as des toutmens
 Des mauyx pour resolution
 Cest pour ta dissolution
 Je le te dy et si le note
 Qui as endure que lon porte
 Telz bestemens et si sendures
 Encor dont pugnacions dures
 Auras si en brief ny pouruoye
 Pourquoi seuffre tu quant tu vois
 Tes subiectz ainsi mal vser
 Et de leur estat abuser
 Chasse chasse ces nouueaux ritz
 Car il nen viendroit point de riz
 Oste les car ilz sont infames
 Autant des hommes que des femmes
 Du bien en brief pourras congnoistre
 Que dieu qui de tous est le maistre
 Et qui les humains iugera

De ses subiectz se vengera
Des anciens folz
 Helas combien que ie decline
 Tous les iours a ma sepulture
 Et que ma vie si sencline
 Paiet le tribut de nature
 Toutesuoy delaisser nay cure
 Des anciens la folle vie
 Car moy vieuy nayme que folie



La grant folie inuetee
 En ma viellesse demouree
 Ne veult point laisser sa coustume
 Mauuaise et pleine d'amerume
 Ne aussi sa premiere vie
 Je suis enfant et si deuye
 Lon doit bien que aller ie ne puis
 Jay cent ans passez et ne suis
 Point plus saige que ie souloye